



Ministry of Civil Affairs

Broj: 14-16-3-2-7/24

Sarajevo, 22. 3. 2024. godine

Na osnovu člana 70. Zakona o javnim nabavkama BiH nabavkama ("Službeni glasnik BiH", br. 39/14 i 59/22), ministrica civilnih poslova Bosne i Hercegovine donosi:

O D L U K U

o izboru najpovoljnijeg ponuđača

I

Najpovoljniji ponuđač u postupku javne nabavke usluga posredovanja u kupovini avio karata objavljenom na web portalu Agencije za javne nabavke BiH, broj obavještenja: 121-1-2-16-3-28/24 od 29. 1. 2024. godine, koji je proveden u skladu sa procedurom otvorenog postupka je Travel plan d.o.o. Banja Luka.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija u postupku javne nabavke usluga posredovanja u kupovini avio karata je konstatovala da je rok za dostavu ponuda 13. 3. 2024. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle 3 ponude i to ponuđača: VENTURA TRAVEL AGENCY d.o.o. Travnik, Travel plan d.o.o. Banja Luka i CENTROTRANS d.d. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača VENTURA TRAVEL AGENCY d.o.o. Travnik nije prihvatljiva iz razloga što nisu dostavljene potvrde o uredno izvršenim ugovorima sa iznosom minimalno 50.000 KM sa PDV-om. Naime, dostavljene su dvije potvrde sa zbirnim iznosom 32.964,89 KM sa PDV-om, iako je tačkom 11.3.1 tenderske dokumentacije jasno navedeno da se uz spisak izvršenih ugovora mora se dostaviti minimalno jedna potvrda sa iznosom minimalno 50.000 KM u kojoj su predmet nabavke avio karte ili usluge posredovanja u prodaji istih, ili više potvrda koje daje druga ugovorna strana o njihovoj realizaciji, tako da je njihov zbirni iznos minimalno 50.000 KM. Iz navedenih razloga ponuda ponuđača VENTURA TRAVEL AGENCY d.o.o. Travnik je odbačena.

Komisija je utvrdila da je su ponude ponuđača Travel plan d.o.o. Banja Luka i CENTROTRANS d.d. Sarajevo kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način, te je analizom ponuda, primjenom kriterija najniža cijena, nakon održane e-aukcije, utvrdila sljedeće:


Najpovoljnija je ponuda ponuđača Travel plan d.o.o. Banja Luka sa agencijskom naknadom za uslugu rezervacije i obezbjeđivanja avionske karte od 0,01 KM bez PDV-a. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

MINISTRICA

dr. sc. Dubravka Bošnjak



Dostavljeno:

1. Ponuđačima - elektronski
2. Web stranica Ministarstva – na objavu
3. a/a